

**SHERIA NDOGO YA KIJJI CHA
KASANGANTONGWE YA KUSIMAMIA
MSITU WA HIFADHI WA KANKOSYA**

**Chini ya Kifungu No. 168 cha Sheria ya Serikali za Mitaa
(Mamlaka za Wilaya No. 7 ya mwaka 1982)**

**SHERIA YA SERIKALI ZA MITAA (MAMLAKA ZA WILAYA)
(SURA 287 TOLEO LA 2002)**

**SHERIA NDOGO
(Zimetungwa chini ya kifungu cha 168)**

**SHERIA NDOGO (KUSIMAMIA MSITU WA HIFADI YA KANKOSYA) ZA KIJJI
CHA KASANGANTONGWE ZA MWAKA 2015.**

- Jina*
1. Sheria hii inaitwa Sheria ndogo ya Kijiji cha Kasangantongwe ya Kusimamia Msitu wa hifadhi wa KANKOSYA iliyotungwa chini ya kifungu Na. 168 cha Sheria ya Serikali za Mitaa (Mamlaka za Wilaya) Na. 7 ya mwaka 1982 na itasomwa pamoja na Rasimu ya Mpango wa usimamizi wa msitu wa Hifadhi ya Kankosya kijiji cha Kasangantongwe.
- Matumizi*
2. Sheria hii itatumika katika eneo la kijiji cha Kasangantongwe na itanza kutumika mara itakapoidhinishwa na Halmashauri ya Wilaya ya Mpanda.

3. Katika sheria ndogo hizi maneno yafuatayo yatakuwa na maana kama ifuatavyo: -

"Halmashauri" maana yake Halmashauri ya kijiji cha Kasangantongwe.

"Dawa za asili" maana yake ni dawa za miti shamba

"Doria" maana yake ni kuzunguka maeneo ya msitu kwa lengo la kukagua kunakofanywa na kikosi maalum cha doria.

"Kamati" maana yake ni Kamati ya Maliasili ya kijiji cha Kasangantongwe.

"Kuni" maana yake ni miti iliyokauka na kudondoka.

"Leseni" maana yake ni kama ilivyoainishwa kwenye rasimu ya mpango wa usimamizi wa msitu wa hifadhi ya Kankosya ukurasa wa 31.

"Mifugo" maana yake ni ng'ombe, mbuzi, kondoo, punda na mbwa.

"Msitu" maana yake ni Hifadhi ya msitu wa Kankosya

"Mtendaji wa kijiji" maana yake ni Mtendaji wa kijiji cha Kasangantongwe aliopo kisheria.

"Mwanakijiji" maana yake ni Mwanakijiji na mkazi wa kijiji cha Kasangantongwe

"Rasilimali" maana yake ni mazao ya hifadhi ya msitu wa Kankosya Mazao ya msitu maana yake ni samaki, dagaa, mbao, wanyama, madini, dawa za asili na mazao yote yanayopatikana kwenye misitu.

"Ulinzi" maana yake ni kulinda rasilimali za hifadhi ya msitu

"VFR" maana yake ni Village Forest Reserve/ Hifadhi ya msitu wa kijiji

"VNRC" maana yake ni Village Natural Resources Committee/ Kamati ya Maliasili ya kijiji cha Kasangantongwe.

- 4 Kunaanzishwa hifadhi ya msitu wa Kankosya utakaomilikiwa na kijiji cha Kasangantongwe.

- Mipaka* 5 Eneo lote la hifadhi ya msitu huu lenye ukubwa wa **hekta 5859** linapakana kama ifuatavyo:
- Kaskazini:***
Umepakana na Mkoa wa Kigoma mpaka unaanzia mto Lwega kwenye jiwe namba VF2 VF3, na VF4. kuelekea kusini umbali wa kilometa tisa hadi kwenye ghuba ya Kakese kwenye jiwe namba VF1 na VF9.
- Mashariki:*** Umepakakana na ushoroba unaounganisha hifadhi za taifa za Mahale na Katavi na unaanzia kwenye jiwe namba VF4, VF5, VF7 na VF8 mkabala na barabara ya Anglo.
- Kusini:*** Umepakana na Kijiji cha Kasangantongwe kuanzia jiwe namba VF1, VF9 na VF8.
- Magharibi:*** Umepakana na Ziwa Tanganyika.
- Usimamizi* 6. Msitu utasimamiwa na Kamati ya Maliasili ya Kijiji.
- Ulinzi wa msitu* 7. Kikosi cha doria kitakuwa ni mlinzi wa msitu.
- Madhumuni* 8. Lengo na madhumuni ya kuanzisha hifadhi ya msitu huu ni kutunza rasilimali zinazopatikana katika msitu na kuipa kamati ya Maliasili ya kijiji uwezo wa kisheria wa kusimamia Msitu na kuwajibika katika kulinda na kuweka taratibu za kutumia rasilimali zilizomo katika Msitu huu katika msingi endelevu na kutoa adhabu kwa watu watakapo kiuka sheria hii, pamoja na taratibu zilizotolewa chini ya sheria hii.
- Matumizi* 9. Msitu huu utakuwa wa hifadhi lakini unaweza kutumika kwa shughuli zifuatazo kwa kibali cha kamati
- a) Urinaji wa asali
 - b) Uchimbaji wa dawa za asili
 - c) Kuokota kuni
 - d) Kukata nyasi
 - e) Uvunaji wa miti
 - f) Uwindaji wa wanyama pori
 - g) Kuokota uyoga
 - h) Kufanya shughuli za matambiko kwa wanakijiji.
 - i) uvuvi ndani ya mita 500

- Makosa* 10 Itakuwa ni kosa kufanya yafuatayo katika msitu wa hifadhi
- a) Kuingiza au kupitisha mifugo.
 - b) Kuingia katika msitu bila kibali
 - c) Kuchoma mkaa
 - d) Kukata miti bila Leseni
 - e) Kuchimba dawa za asili bila kibali
 - f) Kuokota kuni bila kibali
 - g) Kufanya shughuli za kilimo
 - h) Kuchoma moto
 - i) Kurina asali bila kibali
 - j) Kufanya makazi
 - k) Kufanya shughuli nyingine yoyote isiyohusika katika msitu

- Makosa mengine* 11 Makosa mengine na adhabu zake ni kama ilivyoainishwa katika Sheria ya Mazingira Na. 20 ya mwaka 2004, Sheria ya Misitu ya mwaka 2002 pamoja na Sheria ya Wanyamapori ya mwaka 2009.

- Adhabu* 12 Mtu yoyote atakayetiwa hatiani kwa kutenda kosa lolote lililoidhinishwa katika kifungu cha 10 cha sheria ndogo hizi ataadhibiwa kama ifuatavyo:

a). Kosa la kuingiza/kupitisha/kuchunga mifugo atatozwa Tshs 10,000/= kwa kila mbwa, ng'ombe na Punda na Tsh 5000/= kwa mbuzi na kondoo. Atakayeshindwa kulipa mifugo yake itaifishwe kulingana na gharama ya faini.

b) Kosa la kuingia msituni bila kibali adhabu yake itakuwa ni faini isiyopungua Tsh 10,000/= na isiyozidi Tsh 20,000/=

c). Kosa la Kuchoma mkaa faini shilingi Tsh 50,000/= na kutaifisha mkaa huo.

d). Kosa la Kukata miti bila kibali adhabu itatolewa kulingana na thamani ya mti uliokatwa na faini isiyopungua Tsh 10,000/= na isizidi Tsh 50,000/= pamoja na kutaifisha miti hiyo.

e). Kosa la Kufanya shughuli za kilimo faini shilingi elfu hamsini (50,000/=) kwa hekari moja, kutaifisha mazao na kupelekwa mahakamani.

f). Kosa la Kuchoma moto faini ya isiyopungua Tsh 5,000/= na isiyozidi Tsh 50,000/= na atashitakiwa kwa mujibu wa sheria ya kosa husika.

g). Kosa la Kufanya shughuli nyingine yoyote isiyohusika katika msitu huo atatozwa faini Tsh 5,000/=

h). Kosa la kufanya shughuli za uvuvi itakuwa ni faini ya Tsh. 10,000 kwa kila chombo cha mwanakijiji na Tsh. 50,000/=kwa kila mgeni.

Mamlaka ya 13 Kamati ya Maliasili ya kijiji itakuwa na mamlaka kama ifuatavyo

Kamati ya Maliasili

a). kumtoza mhalifu gharama zilizotumika wakati wa kumkamata

b). kumtoza fidia mhalifu kwa rasilimali alizovuna kinyume cha sheria

c). Kumuamuru mtuhumiwa au mhalifu kufanya kazi za kijamii kama kusafisha mipaka ya msitu , kupanda miti, kulima barabara kulingana na kosa alilolitenda.

d). Kuwajibisha kikosi cha doria pale inapoona inafaa.

e). Kuhudumia askari wa doria watakaoumia wakiwa kazini kulingana na uwezo wa Kijiji na pesa itakayokuwepo.

Mgao wa Mapato

14 Mapato yatakayopatikana kutokana na faini, mauzo ya mazao yaliyokamatwa na vyanzo vingine vinavyotokana na mazao ya msitu huu yatagawiwa na kutumika kama ifuatavyo:

a) Asilimia 50% itatumika kwa ajili ya maendeleo ya kijiji.

b) Asilimia 20% itatumika kwa ajili ya shughuli za uhifadhi ya msitu

c) Asilimia 30% itatumika kuboresha Kamati ya maliasili ya kijiji kwa

- Kutoa zawadi kwa Askari wa doria pale inapobidi.
- Kutoa motisha kwa Kamati ya Maliasili ya Kijiji.
- Kugharamia sare za Askari wa doriaa.
- Kununua zana kwa ajili ya doria.

- Kugharamia mahitaji wakati wa doria

- 15 *Kuanzishwa*
kikosi cha doria na
sifa za mwanakikosi
- Kutaanzishwa kikosi cha doria kitakachoundwa na jumla ya watu kumi wenye sifa zifuatazo:-
- Awe na umri usiopungua miaka 18 na usiozidi 45
 - Awe mkazi wa kijiji cha Kasangantongwe
 - Awe amepitia mafunzo ya mgambo
 - Awe na uelewa wa msitu
 - Awe tayari kupatikana wakati wowote wa kazi
 - Awe muadilifu, muaminifu na jasiri
- 16 *Utaratibu wa*
matumizi
halali ya mazao
ya
msitu
- Ufuatao utakuwa ni utaratibu wa kufuata ili kuhalalisha matumizi ya mazao ya msitu
- Kuomba kibali au Leseni kwa Mtendaji wa kijiji au mamlaka husika.
 - Kutoa taarifa kwa Mtendaji wa kijiji.
 - Kufanya malipo ya vibali au leseni vinavyotolewa pale inapobidi.
 - Malipo yoyote yatakayofanyika kwenye kijiji ni lazima yakatiwe stakabadhi ya Serikali.
 - Vibali vyote vitatolewa kwa malipo ya Tsh. 1000/= kwa shughuli zote zitakazohitaji kibali.
- 17 *Shughuli*
zinazohitaji
vibali na tozo
kwa kila
shughuli
- Shughuli zifuatazo zitatozwa
- Kuokota uyoga na madimi itakuwa bure
 - Kuchimba dawa Tsh. 2000 kwa kila aina ya dawa
 - Kukata Boriti kwa ajili ya kuelekea Tsh. 500/= kwa kila boriti
 - Kukata nyasi kwa ajili ya kuelekea Tsh. 2000/= kwa kila mzigo
 - Kuokota kuni Tsh. 500/= kwa matumizi ya nyumbani na Tsh.15000/= kwa matumizi mengine
- 18 *Kiongozi wa*
kikosi cha
doria,
majukumu
na mipaka
ya kikosi
- Kutakuwa na kiongozi wa Kikosi cha doria ambaye atateuliwa na kamati (VNRC) na kuthibitishwa na serikali ya kijiji
- Doria zitapangwa na kuonyeshwa katika mpango kazi wa kamati na kutakuwa na doria kubwa, ndogo, dharula na, maalum
 - Mali na watu / watuhumiwa wataokamatwa wakati wa doria zikabidhiwe kwa kamati/serikali ya kijiji kwa hatua zaidi.
 - Askari wa kikosi cha doria hawataruhusiwa kuwapiga watuhumiwa.
 - Askari wa kikosi cha doria hawataruhusiwa kutoza faini ya aina yoyote.
 - Doria kubwa itafanywa kila baada ya miezi minne.

Muhuri wa Serikali ya kijiji uligongwa kwenye sheria ndogo hizi kufuatia azimio la mkutano mkuu wa kijiji uliofanyika tarehe 07-04-2017 na muhuri huo uligongwa mbele ya: -

PP. 

Leonard M. Mbogambi
Afisa Mtendaji Kijiji

Kijiji cha Kasangantongwe

**AFISA MTENDAJI WA KIJIKI
CHA KASANGANTONGWE**



William R. Kalambwe


Mwenyekiti Halmashauri ya

Kijiji cha Kasangantongwe


**MWENYEKITI WA KIJIKI
CHA KASANGANTONGWE**

KUIDHINISHWA:

Sheria ndogo hizi ziliidhinishwa na Halmashauri ya Wilaya ya Mpanda kufuatia mkutano wa baraza la madiwani uliofanyika tarehe 12/10/2017 na muhuri wa Halmashauri ya Wilaya ya Mpanda uligongwa mbele ya: -



.....
Romuli R. John
Mkurugenzi Mtendaji
Halmshauri ya Wilaya ya Mpanda



PP
Hamad Mapengo
Mwenyekiti
Halmashauri ya Wilaya ya Mpanda

